


KIKONGO - "Who will deliver me"

NANI SI KAKUNTANIN'E ?

Lumbu kimosi yasamuna nsamu wambote mu bwala bwabunene bwamfumu yimosi mu Lesotho. Ndonga yayinene va kimosi ye Mfumu ye nkento andi bakutakana mu wa mambu ma Nzambi. Mambu mamoyo mena lulendo ye malutidi mu meno beni mu kionso sabala kiena meno yeku-yeku, mazokama mu mintima miabantu.

Bu ngieti samuna, nkento wantete wa Mfumu, i nkam'andi, wabadika dila mu zitu kiangolo. Watelama ye mansanga mavaika mu meso mandi. Wabokila mu kiadi kiantima: "Nani si kakuntanina? Unsadiseti; ntim'ami wena zitu beni, kibeki mayangi nkutu ko kansi kiadi ye zitu kaka. Nani lenda kunsadisa? Nani lenda kuntanina mu kinanga kialufwa? Nki mfwiti vanga? Beno babo lunzeyi vo mono i nkam'a Mfumu ye ngiena mu kabu diabakento basambilanga mpe. Mu makumole mamimvu ngieti kotanga mu zinkutukunu kansi momo mamo ka makunsadisanga ko; ka malendi kumpana kimpwanza ko kadi masumu mamana kunkanga. Mono i nwe amalavu; mono i mvondi mpe. Moko mami mena masumuka ye mambi kadi mena ngolo mu vanga ndwinu zangolo – i ndwinu zasingwa.

NANI SI KAKUNTANIN'E ?



Masumu makanga moko mami ye malu mami. Mono i nkole a Satana i Mfumu ambungulu.”

Bu kavwendi watatamana dila. Bosi waboka mu mbembo yangolo: “Unsadisa! Unsadisa! Nani si kakuntanina? Nani si kakuntanina mu mpanga zazi zamasumu? Izolanga Nzambi, kansi masumu meti kungiala; masumu meti kundata ku mbungulu. Yavonda mwan’ami wantete. Bu yakolwa malavu ye bu ngieti nata yandi mu nzemba, yavindubuka va nsi ye yaniema ntu afimwana fiami fiabakala. Mu nzila yoyo mwan’ami wantete wafwa. Unsadiseti; untanina mu lufwa. Malongi manganga zaminkisi ka malendi kunsadisa ko. Dibundu ka dilendi kunsadisa ko. Nani lenda kunsadisa? Nani lenda kuntanina?”

Yavutula kwa yandi: “Yenge kiena kilenda bwisa ntim’aku. Mipasi zaku i mipasi zababo. Nkand’a Nzambi, i Bibila kivananga mvutudulu mu mbokolo antim’aku. Mambu ma Loma 7:15-25 makutusonganga vo masumu makutuyalanga; makutusonganga muntu ulenda kututanina mpe. Kadi nzeyi, vo mu mono, i mu nsuni ami, ka mukundanga mambote ko; kadi ngiena luzolo mu vanga mabiza, kansi kiena ngolo ko. Kadi mambote manzolele, kivanganga mo ko, kansi mambi mandembolo zola, ivanganga mo kwandi. Masumu mena mu mono makumpusanga mu vanga mambi ye mambote mantidi vanga, kivanganga mo ko. Kadi iyangalalanga mu nsiku mia Nzambi mu muntu ami wa mu ngudi. Kansi mbweni nsiku wankaka mu biela biami unwanisanga nsiku miadiela diami, ukumbakisanga kinkole mu nsiku miamasumu miena mu biela biami.

Mu beto bantu zitu kiaki bu kiviokele mu ntima mieto tufwiti bokila kaka – **engwa mono i muntu wakiadi! Nani si kakuntanina?** Vo tuna bokila kwa Nzambi, si kakutuvana mvutudulu ye kututanina.

MVUTUDULU

“I kuma vo Mwana si kakuluvulusa buna luvulusu mu kedika.”


Yoane 8:36

Yesu i mvutudulu mu biuvu bieto biabio. Yandi i mvutudulu mu kiuvu kiaku. Ka mwenani mpululu mu nkumbu yankaka ko kansi mu Nkumbu a Yesu kaka. (Mavanga 4:12). Yesu kaka lenda kutuvulusa mu masumu meto. Menga mandi matengulwa va kulunsi kaka malenda kutuvedisa mu masumu mamo. Ka mwena munganga ko, ka bilongo ko, ka ngang’aminkisi ko, ka nkengi vo muntu ko, ka dibundu ko dilenda kuvulusa mu masumu. Yesu kaka, i Mwan’ameme wa Nzambi ukatulanga masumu manza, ulenda kuvulusa mu menga mandi ye mu lulendo lua Mpeve andi.

Yesu, i Mwan’a Nzambi, wayiza mu nza yayi mu zibula meso mafwa ye

vaikisa zinkole mu boloko ye bawwandanga mu tombe mu nzo aboloko. (Yesaya 42:6,7). Yesu wavova: Wonso uvanganga masumu i nang'amasumu ye nang'ankadi ampemba, kansi vo Mwana (i Mwana'a Nzambi) si kakuluvulusa buna luvulusu mu kedika. Tanga Yoane 8:34-36. Yesu i Kedika kivulusanga ye kivananga kimpwanza mu mwela.

Yesu, i Mwan'a Nzambi, wanata masumu meto mamo mu nitu andi nate ye ku kulunsi. Masumu maku matulwa va Yandi va kulunsi. I yela kweto kukanata, miangala mieto kakituika. Waluekwa mu diambu diantulumunu zeto, wabandwa mu diambu diamambi meto, nsembolo yitukisanga yenge kieto yabwa mu yandi, ye mu vwa biandi tuniakuswanga. (Yesaya 53:3-7).



*"I kuma vo Mwana si kakuluvulusa buna luvulusu mu kedika."
Yoane 8:36*

Balaba wakala muntu wambi beni i mvondi wazengulwa nzengolo alufwa. Nga yandi fwiti komwa va kulunsi, kansi Yesu wabonga fulu kiandi ye wanata kulunsi difwiti nata Balaba. Yesu wafwa va kulunsi difwiti fwila Balaba. Yesu, Mwan'a Nzambi, wacomwa mu fulu kia Balaba, ye mu fulu kiaku ye fulu kiami; mvondi wakutulwa kadi Wankaka wafwa mfwilu yikafwiti fwila.

Zina diaku i Balaba. Mfutu amasumu i lufwa, kansi nkailu wanlemvo a Nzambi i moyo wamvu ya mvu mu Klisto Yesu, Mfumu eto. Vo una tala mu minu ku kulunsi dia Klisto si ukukimona ye si umona masumu maku

va Yandi wakomwa kuna. Yesu wabonga fulu kiaku va kulunsi mpasi ulenda kala moyo wamvu ya mvu. Yandi watengula menga mandi mu diambu diangiambudulu amasumu maku. Kadi bonso bwabu Nzambi wazola nza vo wavana Mwan'andi mosi kaka, mpasi wonso ukunlekilanga minu kabungwa ko, kansi kala moyo wamvu ya mvu.

Nkento amfumu bu kawa mambu mama mamu walekila Mfumu Yesu minu ye wavana ntim'andi kwa Yandi kadi wavisa vo Yandi, Yesu, wamana kumfwila va kulunsi bu katengula menga mandi mantalu mu sukula ntim'andi mu masumu mamu. Wavana ntim'andi wasumuka kwa Nzambi ye Nzambi wamvana ntima wamona ye wamwesa mu Mpeve Yanlongo. Wanyambudila masumu mandi mamu ye wantanina mu lulendo luangiadulu amasumu. Mambu mama mabwa mvu miamingi ku mbus'antangu yayi kansi tuka ntangu yoyo, nkento wau weti diata ye Mfumu. Weti nunga mu zimpukumunu ye wena wavedila. Kanuanga malavu ko, kanuanga nsunga ko kansi yandi i mbangi yafwana mu makedika mama: vo muntu wena mu Klisto, yandi i nsemono yampa, yankulu yamana vioka, yampa yavingana. (2 Kolinto 5:17).

Ngeye mpe, ntengi amambu mama, ulenda kutulwa mu minu mu Yesu Klisto. Yesu wavova: Luiza kwa mono **LU BABONSONO** lutovukanga ye tuikwanga mbidi azitu, mono si ikuluvundisa. Wiza kwa Yesu bonso buwena evo konso kuwena. Tambudila masumu maku mamu kwa Yandi ye unkamba mpasi zaku zazo. Kalendi kutinisa evo kuyendisa ko, vo wizidi mu ntima wakuluka ye ulekanga minu. Nanga ngeye u nkwa dibundu tuka ntama, kansi wena wakangama mu masumu. Wiza kwa Yesu, si kakukutula bwabu. Si kasadila lulendo loluau lukasadila bu kaniakisa nkwa bwazi ye bafwa meso. Yesu wena bumosi mu niakisa ntima waluekwa, ye mu zibula boloko kwa bakangama mu masumu. "Yandi ukuyambudilanga tufuma tuaku tuatonsono ye uniakisanga mayela maku mamonsono." (Nkungu 103:3).

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

**ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.**

(Une Mission de Littérature évangélique financée de dons)
(Reg. No. 1961/001798/08)